

Rapport dalla sessiun dil cussegl da vischnaunca dils 20-04-2015

Tractanda 1

Approbaziun dil protocol dalla sessiun dils 26-01-2015

Il protocol dalla sessiun dils 26-01-2015 vegn approbaus en votaziun unanima cun engraziament.

Tractanda 2

Render quen per 2014

- a) Orientaziun e discussiun
- b) Rapport dalla cumissiun da gestiun
- c) Approbaziun da quen e bilanza

Il president communal Dumeni Tomaschett presenta ils puncts impurtants dil quen communal digl onn 2014 sco suonda:

Il quen current siara cun expensas totalas da frs. 9'689'321.75 ed entradas totalas da frs. 9'758'081.03, pia cun in gudogn da frs. 68'759.28. Igl ei vegniu fatg amortisaziuns ordinarias ell'altezia da frs. 398'045.10, amortisaziuns supplementaras da frs. 2'449'648.15, amortisaziuns da frs. 15'000.- tier il quen da canalisaziun Trun, frs. e frs. 10'000.- tier l'ovra hidraulica Runcalatsch. Plinavon ei vegniu mess frs. 60'000.00 el fondo da remessa da meglieraziun. Il gudogn avon amortisaziuns (cashflow) munta à frs. 3'031'754.13.

Dumeni Tomaschett declara ch'il bien resultat seigi staus pusseivels muort las entradas ord la vendita d'energia, muort las entradas da taglia e l'ulivaziun da finanzas. Plinavon hagi la vischnaunca generau aultas entradas ord vendas da terren ed ord la vendita dalla casa da scola a Zignau.

Per la presentaziun dil quen vegn surdau il plaid alla canzlista communal.

Il quen d'investiziuns siara cun expensas totalas da frs. 1'527'104.35 ed entradas totalas da frs. 393'240.05.

Las grondas posiziuns secloman:

•	Sanaziun vias communalas	frs.	307'236.95
•	Dumbraders d'aua	frs.	216'091.80
•	Maschinas communalas	frs.	100'000.00
•	Aczias Campadi Trun SA	frs.	565'000.00

Allas damondas che vegnan tschentadas ord il cussegl san suprastonza e canzlista rispunder per cuntentientscha dallas petentas e dils petents.

Il president dalla cumissiun da gestiun Enrico Mazzetta rapporta davart la lavur dalla cumissiun.

A caschun da diversas sedutas ha la cumissiun da gestiun priu enconuschientscha dallas decisiuns dalla suprastonza communal sco era da quellas dil cussegl da vischnaunca. La cumissiun da gestiun ha saviu constatar che las decisiuns pridas ein vegnidus exequidas. Il quen communal ei plinavon vegnius examinaus e revedius tras il representant digl uffeci da vischnauncas dil Grischun.

Cumissium da gestiun ed uffeci da vischnauncas dil Grischun recomondan l'approbaziun dil quen cun engraziar e dar scarica als funcziunaris responsabels ed als collaboraturs dall'administraziun.

Sin fundament dallas examinaziuns dalla cumissium da gestiun e la revisiun dil quen ch'ei succedida tras il representant digl uffeci da vischnauncas dil Grischun propona la cumissium da gestiun:

- **d'approbar il quen 2014 che siara cun in gudogn da frs. 68'759.28**
- **da dar scarica als responsabels dall'administraziun communal ed alla suprastanza communal admettend a tuts il meritau engraziament per lur buna lavur e quitau per ils fatgs communals**
- **da dar scarica a tuts funcziunaris ed emploiai communals renconuschend la vasta lavur prestada**

Cun 15 : 0 vuschs approbescha il cussegl da vischnaunca il quen communal digl onn 2014 tenor la proposta dalla cumissium da gestiun cun resalva dil referendum facultativ.

Il quen communal va en stampa e vegn silsunter surdaus allas casadas.

Tractanda 3 Approbaziun dil quen 2014 dalla meglieraziun Schlans

Igl onn 2014 ha ei dau expensas totalas da frs. 768'558.55 ed entradas totalas da frs. 657'724.65. Las expensas totalas per igl entir project da meglieraziun da Schlans contonschan per la fin digl onn 2014 la summa da frs. 8'466'879.55. Las entradas da confederaziun, cantun, vischnaunca e privats muntan à frs. 8'513'511.20.

La canzlista Sandra Gautschi presenta il quen en detagl.

Il quen ei vegnius revedius dalla cumissium da gestiun e dil revisur da quen dil cantun.

Cun 13 vuschs e duas abstenziuns vegn il quen 2014 dalla meglieraziun da Schlans approbaus.

Tractanda 4 Eleccziun dalla cumissium da biblioteca

La geraua Renata Decurtins-Deplazes declara che l'eleccziun dalla cumissium da biblioteca succedi tenor artechel 7 dil regulativ da biblioteca entras il cussegl da vischnaunca. Il cussegl ha pia d'eleger delegai che representan gremis communals.

Il cussegl da vischnaunca elegia cun 15 : 0 vuschs:

Angela Alig / Monique Huonder
Renata Decurtins-Deplazes
Ignazi Lombriser
Ursina Schmed
Christoffel Nay

Tractanda 5 Pusseivladad da tschentar damondas

Dalla pusseivladad da tschentar damondas vegn fatg diever.

Per il cussegl da vischnaunca

Il president L'actuara
Flurin Decurtins Sandra Gautschi